

漳平縣志卷十

雜志

災祥

寇變

記異

畬客

災祥非無因而致寇變豈無故而生君子觀於往
事可以省焉倚伏之理微矣非甚明哲顧能謹其
幾哉古今至異之事必有至常者存以至常觀至
異雖怪不怪矣後漢書虞衡志載盤瓠事不足錄
猺峒久為編氓固不忍以獸畜目其祖也志雜志
災祥

漳平縣志

卷十

雜志一

明

成化二十一年春夏靈雨田廬禾稼壞

嘉靖二十四年十二月初六日雨雪地深數尺次
年大熟

四十四年五月初九日大水城鄉居民田園半為
沙邱

萬曆五年十月朔彗星見狀如帚焰盈丈從月而
流月杪乃滅

九年居仁里磨石坑甘露降靈芝生

時陳孝子思齊廬墓於斯

三十四年文廟災

崇禎五年十二月地震

六年正月大雨雪

七年十二月二十六日地大震有聲

十七年正月十六夜城內外土地祠神像俱投入井越三月賊數萬圍城

國朝

順治二年大饑

六年四月米大貴餓死者無算有書生林姓者夫

漳平縣志

卷十

雜志二

妻相抱沉於龍江潭

七年十二月二十六日寅卯時地大震

八年六月飛霜

十二年二月初二日巳刻日二暈狀如連環是年

四月饑餓死無算

十三年正月大雪高三尺

康熙五年六年俱大熟

十一年五月六日和睦里有大蛟起山谷飛沙走石平地水湧丈餘民居田園漂流無數

十九年四月十八日大水城東北傾圮數十雉未幾西南隅亦傾

雍正七年正月二十七日大雪

道光十年二月二十七日永福里接龍溪界雨雹五里損民居田麥禁閉糴

三月不雨戊午晦同城僚屬步行率耆民詣十里龍潭求雨雨降輒止四月甲子辰時起丙寅亥時止連沛甘霖三日田禾栽插米價始定

寇變

漳平縣志

卷十

雜志三

明

宏治四年龍溪民溫文進反攻劫縣境副使司馬聖督兵討平之

嘉靖四十年八月海賊清江總突至劫掠居仁感化二里

四十一年十二月饒寇陳紹祿犯城焚劫至龍巖界

四十二年饒賊天上祿復至攻城流劫鄉村是年十二月龍巖土賊蘓阿晉曾東田等聚眾屯龍頭

寨知縣魏文瑞率兵與戰死之

崇禎九年十月賊首和尚仔掠永福鄧家坊知縣
高光映督鄉兵討平之

國朝

順治元年

時江南福王福建唐王相繼立尚未歸順

春平和賊梁良箐

萬餘寇縣焚掠無數

是年寧洋庠生廖浚修聚眾蹂躪知府金麗澤叅
將顏榮率兵合漳平知縣張重任擊之斬浚修於
西埔營

漳平縣志

卷十

雜志四

三年

大師入閩分遣別將略定旁郡九月十六日由大田
抵漳平屯東坑口次日由永福里入漳郡諸縣以
次歸附

四年二月明遺弁陳國祚攻漳平知縣戴真學請
援郡千總王玉至直突其營射殺國祚眾潰

八月漳平賊陳大袞寇縣防將張奇盧泗顧雍擊
殺之

五年四月永春庠生楊為徽假名倡義合賊夥於

俊虎皮鄭等數萬人攻漳平屯於後葛防將張奇
盧泗顧雍進攻其營伏發皆被殺知縣戴真學密
書請援郡鎮遣赫文興王玉高樹標救之賊遁
五月賊首王鎬賴雄張文等萬餘人攻漳平六月
賊乘夜襲城知縣戴真學見勢不支及其妻死之
教諭劉泰陽越城溺水死防將陳治龍奔漳按律
坐斬

六年二月副總兵王邦俊督兵進勦王鎬等復漳
平

漳平縣志

卷十

雜志五

十一年正月議撫寇鄭成功遣其黨沿鄉派餉凡
數月縣與巖寧皆罹其害

十二年三月防將謝衡潛通賊知縣師若瑋勢逼
宵遁賊入城惡衡反覆殺之四月汀州兵至賊奔
而城復

康熙十三年三月耿精忠反檄至望風歸附十六
年二月

大兵至漳復之十七年六月漳浦白頭賊蔡寅寇漳
平城陷知縣高登聯奔龍巖求援賊遂入據八月

十三日喇將軍統騎萬餘自廣抵泉道經漳平賊懼出降復漳平

四十六年八月土寇陳首魁作亂知府趙完璧招降之

四十九年十一月土寇陳五顯叔掠捕誅之

記異

明

成化間居仁里朱孔良家有婦姪三年乃生子子生即轉身行步三日升樓而去彌月來週歲又來

漳平縣志

卷十

雜志六

幾長成矣自斷髮爲結盛小匣以與母別曰數十年髮解則免復生遂去不復來正德中母猶存延陳鄉官啟匣視之髮解數縷未盡仍收其結亦無復生之跡語若竊忽初莫詰其所以然也

苑馬卿陳九仞者讀書於城東家塾一夕異香滿室玉佩鏘鳴案頭有獅子水注能自飛躍詰旦得詩二首知爲呂純陽降筆也自是每偕八仙聚會其塾閱四十九日詩共百首俱從空墮石石皆金字視之旋滅適中秋羣仙踵至其拐劍蟾蜍諸物

無異世所圖像者貽苑馬兵書寶劍云封侯業也
苑馬歸以告父父叱之謂非書生所爲劍亦無他
異其爲書惟得扶鸞驅鼠二事尋皆亡去苑馬卒
之日人遇之於北郊黃巾策蹇囑其歸語家人時
尚未就殮

東山麓有巨樟焉巍然聳於道左夜半忽聞音樂
連日不絕邑人咸以爲神適城隍神像壞邑侯呂
兼攝龍溪篆聞之馳札召匠用巨樟雕像像成遣
子琮來廟拈香仰見端莊威嚴臨之在上者呂侯

漳平縣志

卷十

雜志七

也歸謁曰是可質諸無疑矣雍正戊申八月廿四
日也明年己酉紳士以是日丑時禮拜神像一老
人云呂爺來上任矣羣譁其妄訃至侯果於是日
丑時卒龍溪官署

錄邑人陳廣城隍記

監生陳鴻亮孫媳黃氏懷妊三十八月始產男初
生髮已覆額月餘自能飲食貌清秀亦無竒相但
比他兒生時較長大兩耳加長現已四歲永福里
人

道光戊子十月衢守備劉龍標自言已故兵丁紳

耆迓往衢爲第五尊菩薩無病而逝

畚客

畚客即徭人古槃瓠之後性悍鷙言語侏儒楚粵滋蔓尤盛閩中山溪高深處往往有之在漳平三姓曰藍曰雷曰鍾隨山種插去瘠就腴編荻架茅以居善射獵塗矢以毒中獸立斃其貿易刻木大小長短爲符驗能辨華文者其酋也族處狃狃然喜讐殺或侵之一人訟則衆人同一山訟則衆山同明設撫徭土官計刀出賦官府有征剿無不聽

漳平縣志

卷十

雜志八

調也後撫者索取山獸皮張因以失賦官隨亦廢昔元時南勝李志甫之亂未必不由此起豈徭之罪也哉今之畚客亦猶編氓撫而綏之使若其性馬耳


論曰予讀州志謂巖屬多蠱多爲解救方以備之誠仁人之用心也竊謂蠱豈獨一端已哉人治蠱斯天變應之矣人事蠱斯寇戎伏之矣人心蠱斯怪異從之矣善治蠱者莫先於人心人心無蠱而人事人治之蠱自熄故錄雜志畢於

此三發意為以常例考之一款

海平縣志

卷十

雜志九



修城記

蔡世鉞

職分之所當爲與志力之所欲爲則毅然爲之而不計其效之成否得尺吾之尺也得寸吾之寸也爲之不巳卒底於成非吾今日所敢知也知不虛吾今日之職分志力焉爾漳平城久不修多就傾圯其尤甚者上水門左城身連溪岸崩壞七丈高十二丈東門樓下水門樓二座全圯其他更非一處余抵任初巡城見之毅然曰此吾職分也即吾志力也遂蠲廉俸勸樂輸集紳士議舉其事是時大憲方修通志檄

漳平縣志

卷

補編

下採訪漳平百四十六年文獻無徵非勤加蒐輯參互考證豈尋常採訪所能及而東山書院無膏火以資樂育亦於政體有關迺議以二者與修城並舉而城工費尤浩不可以尺寸計雖然余安知明日之漳平宰即今日之漳平宰乎哉第爲吾今日所當爲所欲爲苟有尺寸可乘則明日必有繼我而爲之者其職分志力猶之吾耳何慮弗底於成焉明年庚寅春二月開志局夏六月志書竣因有事於修城詢諸學師斗東林君誰可任斯事者曰志局中陳生朝銓鄭

生苑培鄧生國泰陳生光正均肩其任可余曰諾天
以四君子助我矣歷觀前志城築諸記未有職分無
與共志力無與同能獨爲其事者也遂以購料督工
經紀出入一委諸四君子而余鉤攷其要秋七月二
十六日興工期以冬十一月蒞事其溪岸上連城身
崩壞者以捐廉及罰鍰充費務完固堅緻其門樓全
圯者以修志贏餘充費務整飭嚴翼若他處城垣微
損女墻缺壞及西北門樓之朽蛀上中水門樓之殘
破滲漏視用之有餘徐籌及之可也吾先其尤甚者
漳平縣志

卷

補編

得尺則尺得寸則寸盡今日之職分志力而已書院
膏火余蠲置田租二十斗爲三十人倡夫豈無樂爲
和者雖尺寸也而已非無可乘視此城工耳天以四
君子助我知斗東錢治兩學師必能爲新令尹告矣

重脩漳平縣志記後

漳平縣志不脩已百四十餘年余常與二三老成紳士搜訪前事遺聞舊志不及載者尚多况聽其文殘獻謝後此湮滅者何可勝道誰之咎耶余任平學令十四年縣主經易十九任說者謂官如傳舍無怪不暇爲此余謂究未得才足有爲志在必爲者耳道光己丑大憲續脩通志檄各郡州縣會學脩志送局採錄前任小我盧邑侯專囑余辦理余知責無可辭但恐才不勝任謹將憲頒發事宜傳諭四里紳衿

漳平縣志

卷

記後

採訪尚未就緒而盧侯調任平和蔡石坪邑侯調漳平甫下車百廢俱舉而首務修志委余分任諄諄之意與盧侯同而其才足有爲志在必爲且虛心下問公餘時與余往復相商余出所搜訪前事遺聞相質證皆蒙許可於是派公正董事籌辦傳四里紳士議脩諸紳士轉請余主局此事余本不能置身局外何庸請爲而余亦未能專任凡事與孝蕉陳君慶齋等公同參酌尤幸新任左齋彭錢治二兄雄才卓識相與有成雖採訪俱經余核實然必合公論始請

邑侯裁定旋議開雕余將新修各條開列貼於明倫堂俾紳士公閱有能指出疑者闕之失者補之濫者裁之其有採訪未周者諭即補入續載之凡三閱月而志成夫以百四十餘年之缺殘兼二十八社之寒澗數月成功非侯才足以有爲何能獨總其成非志在必爲何能速觀其成且紳士非感侯百廢具舉何能踴躍以助其成即一志之成可以知侯之治無不成諸生請余記之意謂余未事而留心搜訪當局尤苦心編勘志之成皆侯之功余亦與有力焉不知余漳平縣志

卷

記後

二

實有不得辭其責何足言功至於黽勉從事不敢告勞得與諸同人共觀厥成皆侯教也謹於志成後附記之道光庚寅六月教諭林得霖記

漳平縣志補編

輿地

蕉山在新安社月德鄉 獅山對面 高蓋四里 登其巔龍巖州城郭鄉村並闔邑山川形勢 歷歷

如畫俱在一覽之中
上有三公殿

三台峯在感化高興

青龍潭在感化高興水口 石峯高聳 下有潭中浮石棹有橋可通舊傳青龍自潭而飛

時大雨故至今
今濤雨多應

規制

後溪橋在感化明陳二周充貲倡建有碑

漳平縣志

卷

補編一

東洋拱橋在縣東里許乾隆四十五年監生陳宏道修並修路自城脚至福田口共二百

丈餘

凌雲橋在感化高興

利濟橋在感化下河

太平橋上有觀音亭在和睦彭爐合二溪之水 經奇和達於華口道先八年里人盧黃

修姓重

溪南渡在感化明捐職典史陳鑑捐租設渡有碑

丁坂渡在和睦貢生陳貫一等捐租設渡有碑

河溪渡即和溪渡在和睦小 瑞明林先宗等

置買租穀六十餘斗以為渡夫工食渡傍
十餘里路苦險阻職員盧捷登自捐貲修
砌

下林渡 在感化陳瑞
捐租設渡

碧龍渡 在居仁與鹽場渡石龜渡次第相聯往來
者晝夜不絕俱為要津鄉眾公置租一百

二十一斗田在暗后墩石鼓壘溪仔口西
洋坂丁坂下洋等處以為渡夫工食歲貢

生劉元智庠生陳光璉董
其事嘉慶八年勒石以記

龍濟渡 在蘆芝鄉嘉慶二十三年貢生黃朝盛捐
租八十斗以給渡夫工食田在蘆芝鄉福

壽洋

碧龍潭渡 在碧龍潭貢生黃繼賢建捐租八十斗
田在橫坑水碓龍后洋等處以為渡夫

洋平縣志

卷

補編二

工食道光七年教諭林
得震勒石以記其事

城門小溪口橋渡 在和睦里鄉賓會熙彩派下公
建共捐租十石以為渡夫工食

其各田段生員會常伯乾隆
六年及三十九年呈縣存案

溪口渡 在居仁小溪流通永福新安等處嘉慶十
五年捐職黃永清捐建並置渡亭一所充

租六十斗以給渡
夫工食田在高墩

高隱祠 在和睦西埔上營山即宋鄉賢陳備故居
庠生周廷豪邀本里向義者共出貲置田

以為
祀費

龍興宮 在和睦西埔洋頭道光九年里人苦旱禱
求祖師遂得甘霖三日職員盧捷登稟

盧文藻等
勸捐構造

福寧宮 在感化 高興

太平宮 在感化 高興

正順宮 在感化 中央福

萬靈宮 在丁坂鄉即丁坂菴先是建於鄉之鳳山麓後遷於中甲洋內崇祀佛像職員劉朝

相捐租十五斗以為香油之資田在基泰十八坂乾隆五十九年通鄉釀金重修

龍見宮 永福里城兜鄉平田中突起石阜高四丈廣數畝縈帶清流游鱗可數夏月登眺覺

陶情節平疇遠風良苗懷新二語悠然在目天啟甲子李姓建宮祀神鄉人於立春

舍習靜一年種獲所宜多獲豐獲宮傍有書日卜靜者養源於此今書合祀而宮猶存

五里亭 在縣北佛子山后往省大路離縣五里嘉慶十二年生員林鳳翔等募修鳳翔又募

漳平縣志 卷

補編三

修佛子山后至巷口坪路五里

新安亭 在和睦曲潭路徑崎嶇鄉人窘步道光四年職員盧捷登倡捐修築自新橋至安仁

二十里行人每遇風飄暴雨無佳足處故構此亭

獅子亭 在感化 楊美鄉

紫雲亭 在永福里有雙泉一在亭南一在亭北透為盈涸號讓泉

銘恩寺 在永福里有碧池水常青色雨不溢不竭堂北有醴泉味甚甘美上有古山巖

牛隔並珍坂嶺二路亭 嘉慶九年劉姓眾建以便往來停憩處行人稱便

萃英樓 在居仁丁坂社道光四年劉姓眾建為每月會課之所

印斗寨 在感化中央福水口

選舉

貢生

國朝

順治 陳文焯 齊丑歲貢 選授教職

陳廷桂 恩貢 陳世

監生

明

萬曆 陳仕冕 四川射洪主簿 陞貴州貴陽吏目

傅文範

任廣東四會縣典史

國朝

平縣志

卷

補編四

順治 陳時璿 捐例 選授分州

康熙 陳國進 入國子監 考授分州

陳之會

由附監國子 監考授分州

陳承恩 入國子監 考授分州

陳應斌

入國子監 考授分州

捐職

明

正統 陳景賢 由醫學訓科 授

嘉靖 陳以瑞 徐州府巡檢

陳以榮

四川安場鹽大使 陞杭州府縉山司巡檢

陳懋德

浙江青田分縣 能詞賦 尤工書法 題治廳聯云 有一日 既且耕 爾土無十分 屈

休到 吾門

陳禹俊

四川漢州吏 目在治有聲

陳仲義 江西信樂縣倉大使直

萬曆 陳三俊 浙江餘干縣典史

陳三畏 江西贛州吏目

陳國棟 蘇州府照磨

陳一梧 通州倉大使

陳任重 興化府倉大使

陳美日 廣東龍門縣巡檢

陳廷表 廣東感恩縣典史

陳登高 杭州府倉大使

陳文炳 蘇州府司巡檢

陳恒德 直隸興濟縣典史

陳以容 浙江湯谿縣典史

陳貢義 廣東巡檢

陳瑞瑚 侯門教讀

陳瑞珀 太醫院吏目

陳瑞琥 太醫院醫官

陳天敬 大埔縣典史

漳平縣志 卷

補編五

陳仕標 湖廣守禦千戶所吏目

國朝

順治 陳一盛 從化縣典史

陳珠 由吏員選授未入流

武職

明

景泰 陳秉元 平寇節茂七有功授漳浦縣紅波司巡檢

國朝

順治 陳萬範 衛輝府守備尋除湖廣澧州副總兵聖都督僉事

陳偉 由行伍授江安橋千總陞廣東提標左營參將

康熙陳國衛陸路提標守備

人物

名宦

夏慎言浙江舉人將莅漳平上憲問何以居官對曰潔已奉公憲笑曰潔已矣何以奉公携二丁到署視民如子勸積儲適歲歉憲檄採買穀石民情惶恐迺據情申覆並示禁米出竟士民懼觸憲怒官必被譴謂爾勿怖廉吏可為則為不可為則一肩行李來兩袖清風去耳我不惜一官以飢百姓

漳平縣志

卷

補編六

也先是米戶升斗有大入小出之弊為之均市斛去後民思之至今市斗名曰夏公斗

循吏

鄧仕安字北山永福人洪武間應募以功授泉州崇武鎮千戶勤勞王事本於官贈武毅將軍因葬在崇武大石頭至今泉人號將軍墓新陳冕字尚周號緘齋永福人成化丙午舉人任湖廣江夏縣教手勤忠孝二大字於明倫堂振鐸有聲九載考最擢南畿廬州通判公平忠恕巡按

御史疏冕行與心符政從理出授武岡知州未幾
任丁祖母憂服除補山東濮州府興序序 文廟
殿廡堂齋撤其舊而新之工費皆出於已朔望集
諸生講堂解釋經義史傳令巨室子弟習朱文公
家禮凡文章節義之廿尤樂崇獎激厲漢俗一變
又於州北築觀德堂教民習武爲一方保障已而
海寇果不敢犯濮境列憲交章以兵備薦命未下
卒於官濮人哭之如喪所親

漳平縣志

卷

補編七

署霞浦永福莆田秦寧建寧府訓導授閩縣訓導
調臺灣鳳山訓導俸滿咨補延平府尤溪縣學教
諭爲人輕財重義到處勤於訓迪以振興名教爲
務不計較錙銖尤邑學官前火災捐俸備修生員
樂與人善成得士心卒於官宦橐蕭然

陳汝翼字捷高永福人乾隆乙丑武進士由花翎
侍衛授甘肅黑城營游擊調署哈密又調雲南大
理府游擊署叅將攻孟艮城城周二十餘里將
時值大雨防其突圍而出晝夜泥濘中爲

漢高浮腫卒於軍年四十五軍士惜之新

劉龍標字寸田居仁人嘉慶己未武進士藍翎侍衛授浙江衢標左協守府初宋建炎中聖裔扈高宗南渡奉先師像以行相傳像卽子貢築室獨居時墓傍樁木所墓也賜廟於衢崇祀歷數百年朽蠹傾圮議欲更新未有倡之者龍標獨肩其任購材於嵯巖窮谷經年挾運而至適大憲飭府州縣重建龍標悉力倡捐訓練之餘督工不辭勞瘁並文廟而新之撫憲勒石紀事郡守譚爲長歌

漳平縣志

八卷

補編八

以頌其功又修真武殿趙清獻祠藥師庵並華巖寺於寺中建鑑空亭水月閣與文人學士嘯咏其中衢西門外一帶河路督修工竣因朝京埠橋水常漲溢人多陷溺捐貲填砌雖傾盡庶係不計也嘗署江山縣都閩至卽捐造浮橋邑有文峯塔傾頽衆謂十年以來文風不振職此之由立倡修造遂有登鄉榜者凡所建立皆闢政教至於撫恤兵民恩施淪浹告歸餽送概不受闔屬頌之云宦有令名清風兩袖歸無別况明月滿船性至孝奉母

必備豐潔毋未食不敢先食自在官以及歸田無
不出告反面者龍標有儒將之風兼循吏之政仍
不愧孝子之實視世之仕宦以為親榮同不同何
如也年六十卒新增

文苑

劉藜光字珮玉居仁歲貢性量和平邑人比之劉
寬小築曲水別墅閉門讀書課子孫足不到城市
生平佩服先儒情欲無介儀容燕私不形動靜二
語几案之間皆錄以自警工詩文兼善草書癖尤

漳平縣志

卷

補編九

嗜石自號弄石主人案上小石櫛列俱經手澤摩
挲各綴銘詞入其室者皆玩賞不置浙江有畫師
贈詩云半是張顛半米顛人稱肖妙子長文廩貢
歷署訓導長奏長啟俱廩生孫庠生永錫永嘉皆
親教督無別師也知縣陳塏稱為一門盛事三代
遺風

節孝

感陳行州黃氏年二十八夫亡子幼孀守矢志
靡他勤紡績以延師訓子鄉里稱其全節卒年八

十三

福貢生陳芝霜妻葉氏年二十八夫亡守節上有
舅姑下僅孤兒克勤克儉能孝能慈子志聳援例
捐貢氏卒年七十

福李士墀妻黃氏年二十七夫亡甘心守節孝奉
舅姑撫養一子成立現年四十七

福陳宣亮妻李氏年二十一夫亡僅有二歲孤兒
有諷以改嫁者氏矢志不從孤又殤始終苦節自
勵卒年六十七

漳平縣志

卷

補編十

藝文

朱子誕辰慶祝序

訓導王梁

韓昌黎云孟子之功不在禹下余謂朱子之功亦不
在禹下蓋朱子之學正心誠意致知格物一孔孟之
學也而孔孟之書精微廣大垂訓萬世非得朱子之
闡發條分縷晰體會入微後之讀其書者不知畔岸
不知津涯奚以知所適從故朱子之功與孔孟埒而
吾儒之報其功者自不容替菁城僻處偏隅舊無專
祠崇祀自邑侯趙公建祠於東山之麓廟貌肅焉諸

生入其堂瞻其容沐其流風餘韻耿耿不忘於懷惟
念春秋雖有祀典而誕辰之慶祝缺如非所以報功
也邑士李君玉堂與陳君行中等十人同置租谷七
十餘斗輪值措辦每逢九月十五日各齋衣冠申祝
凡此皆以不忘夫子之功而與孔孟同其壽者也夫
與孔孟同其壽則亦與天地同壽矣爰綜顛末而爲
之序

龍湫井論

林得震

學署後墻下有龍湫井相傳每闌期水溢則有報捷
漳平縣志

卷

補編十一

者余竊疑其說爲不足信然州縣志載之明教諭徐
來朝又構亭以覆額以鵬搏之適非必無因而然余
初觀其井亭已久地而井半填沙礫幾於无禽之象
募人淘之計深有十丈於是歎昔之掘是井者至九
輒猶不忍棄而始及泉有爲者亦當如是適逢闌期
使人視之水不溢是科果無捷者僉謂此事非不足
信也復屆闌期又不溢諸生方絕望乃忽報捷至衆
又疑偶然不驗耳後終不溢而捷者文武聯科始知
闌之捷不捷無關於井之溢不溢因是示諸生以蒙

泉之所由始出坎水之所由盈科並勉以脩綆汲古之功從此學海文瀾隨地湧出激水三千搏風九萬此物此志也又何必以一井之溢爲報捷之兆哉或曰前人何以覆亭名遍余謂此亦先輩藉以鼓舞諸生欲令顧名思義而奮興耳不然豈不知射鮒之谷非能鵬搏勿幕之收非可亭覆乎余又聞華口有牛欄潭水逆流則有捷者其說俱不足信

高明寺置田記

知縣 盧 彥

余初莅漳平見錢糧多逋負訟獄山積未結日夜弗遑啟處爲之剖息設法完徵未半載逋負者已納山積者悉理向之弗遑者今始少舒隨訓兵於野登高明寺見居民稠密烟樹森纏城郭村墟山環水遶歷歷如畫俱在一覽之中美哉一方之勝概也不覺心曠神怡若與物而偕春者豈地能移人以樂歟良由民輯事熙故有自得之趣耳梵宇舊址圯壞重修於兩峯章公方成輒陞去經久復廢墜空寺無人看守尤虞盜賊藏匿詢之父老咸謂寺門外有田一段但租少不足以供住者適鄉士夫肖峯陳君有田近

在山後願領原價以充寺中亦士民同樂以成斯舉也因思地果奇勝必有遇之時乎吾今賀茲山之遇也遂招佃給田俾得以時洒掃栽培山木而奸細或可杜哉自後欲佃民久居於斯尤必禁其需索侵奪迺可焉同志者能續增其所未備則壯麗之觀奚啻今日已耶爰勒石以垂永遠時萬曆三年春正月望日

遇仙記

程瑁瑚 邑人

永福鷺峯聞興化九鯉湖之仙常往來棲焉四方求漳平縣志

卷

補編十三

夢者多應李紹芝十歲時從伊父玉侯館於南靖金山去鷺峯二十里許康熙辛酉五月有鳥狀如八哥引至竹林中突出九人狀貌不似人形邀出游歷石龜渡足浮水面觀者莫不怪焉由是而登鷺峯俯臨萬丈輕身而上中有洞天棋盤石榻皆仙家景象旋降自亭北有會瑞公者喚僧曰客來僧方訝而紹芝至矣問焉得至此對以九人同來僧亦不問九人何在止之宿黎明有人呼同歸倏而不見瞬息間已過石龜渡到館中詰其所以曰從鷺峯來衆曰是子去

距今已七日矣鬼怪迷人速延巫治之芝曰非怪也
真人題偈云西來一法身無相却是真老僧相打坐
山高月無塵吾猶記得詢之寺僧果然山中一宿倏
已七日人不解彼亦不自解蓋所遇九人卽興化九
鯉湖之九仙也紹芝遇之遂精於岐黃僉謂實得九
仙鍊丹之傳然聞者問之俱秘而不答後舉於鄉赴
會試有知其醫方得仙術者以紹芝名保薦雍正己
酉授太醫院內侍大夫余鄉人也親見其事而記之

浮橋記

王之楫

漳平縣志

卷

補編十四

上昌橋爲漳南龍江虹渡自創爲浮梁鋪以木板維
以鐵鏈翼以扶欄俾千萬人往過來續履險如夷者
伊誰之賜歟蓋賢司牧留心民瘼慈航普濟也特溪
灘巖壑兩州縣之水濶岸洪波橋橫亘其中風翻雨
湯日引月長勢必有飄流之失腐壞之虞以故三四
年小修五六年大修率八九年間新而造之其或過
十年以外則毀缺傾欹行者殊慄慄危懼矣自非心
殷保障爲之引翼其間鮮不有及溺之患者歲戊子
秋江右盧侯蒞平邑下車觀風善俗循行城郭山川

而推諸老者釋者以及負戴者何能安而行之歸而
登問知斯橋歷十餘年矣遂慨然切更新之志倡捐
清俸百金邑紳士聞之歡欣鼓舞不匝月四里樂輸
高取其鎮定堅緻也謀之臧辦之亟不數月
至成而 蔡侯奉調來代有斯義舉未克圖終
人竊然慮之顧盧侯以平民之心爲心而 蔡
以盧侯之心爲心凡盧侯心有所交竟 蔡
不體其意集其成直不啻取諸懷而予之也夫美
之前美弗彰莫爲之後威弗傳兩賢侯會逢其適
而後先相濟不洵卓卓乎美益彰盛永傳歟是役經
始於九年三月落成於復月望日承清碧鑑一道長
虹映帶於波光水色之間天然圖畫也樂歌有文昌
氣似珠太史明如鏡二語爲斯橋取耶爲斯溪咏耶
抑以頌兩侯之明通公溥耶 餘矣爰
之碑以垂不朽是爲記

天鼓時一鳴下界空山寂消息靜中參聞之不可得
聖賢千古心山月照肝膽四壁情無聲夢中猶統統

過靈峯書院

一碧摩穹萬古靈我來身聳入高冥雲中雞犬村初
到泉裏絃歌澗亦馨徑滿松風樵聽講宵無藜火客
窺樞言慈言孝尋常理勝讀娜嫫汗簡青

讀書東山 朱子祠二首

李應龍

空山寂寂絕塵緣靜悟工夫不入禪識得先生真業
處四時俱是讀書天

漳平縣志

卷

補編十六

相將肄業此登堂肅拜先賢一瓣香底事尋源塘半
畝舉頭雲影與天光

續補

壽婦

感監生鄭之超妻陳氏五代同堂子四人孫十五
人俱名列膠庠曾孫十二人元孫一氏壽終八十
四歲長子監生玉樹與妻林氏眉壽親見五代子
二人俱監生孫六人曾孫十七人元孫一樹壽終
九十二林氏壽終九十長子監生廷謨妻陳氏亦

五代同堂子四人孫會濟元孫二人氏現年七十八一門三世五代同堂而玉樹尤有鹿門偕隱鴻案齊眉之風

仁監生陳元藜妻蔣氏年二十夫亡孤兒甫週歲矢志堅守孝事舅姑撫養孤子護國入庠氏卒年

三十七

因舅姑在堂忍泣吞聲苦守奉養以養子嗣節孝慈愛兼盡現年四十五

漳平縣志

卷

補編十七

十七

子大榮成立授例入監卒年七十五

劉栢參妻陳氏年二十五夫亡子幼矢志守節事

